



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Bernardini Scardaeonii Patauini Presbyteri de Castitate Libri Septem**

**Scardeone, Bernardino**

**Venetiis, 1542**

Minime tutam solere esse senectutem à molestiis uxorum cap. vi

**urn:nbn:de:hbz:466:1-30433**

signem iniuriam æquo animo perferre. Sed longe se-  
 cius habuit sese ad uxorem: Assuerus Persarum rex, ne  
 scio an sapientius, qui (ut in sacris literis habetur) Vasthi  
 reginam, quia uocata ad se uenire contempsit, de consi- Hest. 1  
 lio sibi assistentium consultorum repudiavit, ut suo exē-  
 plo cæteras erudiret, ne assuescerent posthæc negligere  
 imperia maritorum.

Minime tutam solere esse senectutem à mo-  
 lestiis uxorum. Cap. VI.

**S**peras tu quidem fortassis aliquando exacta iam  
 ætate immunem ab his molestiis acturū deinceps  
 senectutem: & cum longæua uxore beneficio æta-  
 tis, tunc denique quiete, & tranquille posse uiuere: qua  
 præsertim ætate importunus zelus, suspitionesque mu-  
 liebres, ac fastus unā cum iuuentute transfilerunt. Erras  
 profecto, ac uehementer falleris: optandum id quidem  
 potius tibi est, quàm sperandum. Eo nanque tempore  
 noua factio, nouaque seditio exorietur tibi. Nam tunc  
 illa à te in nurum conuersa, noua inibit prælia, nouos in-  
 sultus, noua dissidia nihilo facilius ferenda, quàm prio-  
 ra illa, quæ in te exercuit antea annis iuuentilibus: quo-  
 niam nunc quidem uitio sexus uitium quoque ætatis  
 accedet. Hinc quotidie ad te molestæ utrinque deferen-  
 tur querelæ, assiduus obtunderis rumoribus, quotidianis  
 exerceberis iudiciis, ut nisi obsurdescas proorsus tot iudi-  
 cia diuti? ferre nō ualeas, Laches iccirco senex ille Terē-  
 tianus, personam maritorum gerens, hisdem oppressus  
 incommodis, ita mirabundus inlaminat. Proh deum,  
 hominumq; fidem, quid hoc genus est: quæ hæc coniu-  
 ratio: ut omnes mulieres ea æque studeant, uelintque  
 omnia: neque declinatam quicquam ab aliarum inge-  
 nio ullam reperias: itaque uno animo omnes socrus o-  
 derūt nurus, uiris esse aduersas, æque studium est: simul

DE MOLESTIIS CONIV.

pertinacia est. In eodem mihi omnes uidentur ludo  
doctæ ad malitiam. Hactenus ille & eloquenter, & ue  
re. Haud multis sanè contigit fœlicitas illa uxor, quæ  
P. Rabirio contigisse immoratur qui suo monumento  
pro miraculo iussit insculpi. CVM CAIA ENIA  
VXORE VIXIT ANNOS QVADRA  
GINTATRES MEN. OCTO. SINE QVE  
RELA. Verum ut multo lepidius, ita forte, & multo  
neruis alius quidam in sepulchro suo mandauit incidi:  
quod (ut audio) adhuc prope Romam in uia Tiburtis  
na conspicitur. HEVS VIATOR MIRACV  
LVM, HIC VIR ET VXOR NON LITIG  
GANT. QVI SIMVS NON DICAM, AT  
IPSA DICAM. HIC BEBRIVS EBRIVS  
ME EBRIAM NOMINAT. HEI VXOR  
ETIAM MORTVA LITIGAS. Iocatus ni  
mirum iste uidetur urbanissime, sed seriam rem cer  
te docet, nihil disfidens ab eo prouerbio, quod di  
ci solet. Mulleri non credas, ne mortuæ quidem.

De diuite uxore, deque paupere, & de nobi  
li, ac contra. Cap. VII.

**P**Ræterea quum ducenda tibi sit uxor, uel diuitē,  
uel pauperem ducas oportet. Si duxeris pauperem,  
rem, graui afficis damno familiam: quæ haud fa  
cile quidem matrimonii incommoda sine ullo dotis  
commodo perfert. Pauperem profecto uxorem alere  
pauperi præsertim ualde, difficile est. Amat enim fœrnis  
na ocia, & ignauos imitata fucos labore uiri quæ sita  
consumit, nihil interea præuidens quid sit futurum. Sin  
uero diuitem quasi consultius duxeris: duram accepisti  
prouinciam, opprimeris sanè fastu diuitiarum, onere p  
fecto magno, ac pmolesito, & omni paupertate grauior  
ti, iam non erit ea tibi uxor, sed domina, tuque ei nō ma